

21/3

**BOSNA I HERCEGOVINA**  
**UPRAVA ZA INDIREKTNO OPOREZIVANJE**  
**BANJA LUKA**

09.11.21

UP

21

**ODJELJENJE ZA KOMUNIKACIJE I MEĐUNARODNU SARADNJU**

Broj: 01/3-50-4-UP/I-67-3/21

Banja Luka, 08.11.2021. godine

Na osnovu člana 14. stav 2. Zakona o slobodi pristupa informacijama u Bosni i Hercegovini („Službeni glasnik BiH“, broj: 28/00, 45/06, 102/09, 62/11 i 100/13), te člana 5. stav 1. tačka b) Pravilnika o unutrašnjoj organizaciji u Upravi za indirektno oporezivanje („Službeni glasnik BiH“, broj: 29/13) u postupku odlučivanja po zahtjevu novinara Jelene Jevtić, Centar za istraživačko novinarstvo, Gabriele M. Locatelli 11, Sarajevo za pristup informacijama, Odjeljenje za komunikacije i međunarodnu saradnju, d o n o s i

**RJEŠENJE**

Odbija se novinaru CIN-a Jelene Jevtić iz Sarajeva pristup informacijama, odnosno dostavljanje Zapisnika o kontroli broj: 04/4-1/III-17-1-UP/I-1-000167-3/15 iz 2015. godine kao i svi naredni zapisnici o kontroli u firmi Hercegovinaljek Mostar i službene zabilješke broj: 04/4-1/III-17-1-UP/I-1-000167-2/15 od 04.11.2015.

**Obrazloženje**

Postupak za pristup informacijama pokrenut je po zahtjevu novinara CIN-a Jelene Jevtić, Gabriele Moreno Locatelli 11, Sarajevo, koji je u Upravu za indirektno oporezivanje zaprimljen dana 14.10.2021. a kojim se traži dostavljanje Zapisnika o kontroli broj: 04/4-1/III-17-1-UP/I-1-000167-3/15 iz 2015. godine kao i svi naredni zapisnici o kontroli u firmi Hercegovinaljek Mostar i službene zabilješke broj: 04/4-1/III-17-1-UP/I-1-000167-2/15 od 04.11.2015.

Odredbom člana 6. stav (2) Zakona o Upravi za indirektno oporezivanje („Službeni Glasnik BiH“ br.89/05), propisano je, između ostalog, da UIO štiti interese poreskih obveznika koji se odnose na izmirivanje poreskih obaveza, tajnost podataka i drugih interesa koji proizilaze iz pojedinačnih zakona o indirektnim porezima, kao i da štiti interese korisnika prihoda indirektnih poreza. Također, odredbom člana 52. stav (1) Zakona o postupku indirektnog oporezivanja („Službeni Glasnik BiH“ br.89/05 i 100/13) propisano je da podaci, zapisi i izvještaji koje UIO dobije kao rezultat izvršavanja obaveza po osnovu indirektnih poreza posebno povjerljivi i mogu se koristiti samo za potrebe indirektnih poreza ili za izricanje sankcija indirektnih poreza i da se podaci ne mogu ustupiti ili objaviti bilo kojoj drugoj strani, osim u propisanim slučajevima koji su taksativno pobrojani u navedenoj odredbi, uključujući nadležne sudove i tužilaštva.

Nadalje, u skladu sa članom 7. Zakona o slobodi pristupa informacijama u BiH, a s obzirom da se predmetnim zahtjevom traže podaci koji predstavljaju poslovnu tajnu poreskog obveznika zatražena je saglasnost za objavu traženih informacija od pravnog lica Hercegovinaljek d.o.o. Mostar aktom broj: 01/3-50-4-UP/I-67-1/21 od 15.10.2021. Pravno lice Hercegovinaljek d.o.o. Mostar, aktom broj: 08-1866/21 od 28.10.2021. obavijestilo je ovu Upravu da nije saglasno sa javnom objavom traženih podataka navodeći kao razlog službenu tajnu, kao i mogućnost narušavanja ugleda i kredibiliteta društva „Hercegovinaljek“ d.o.o. Mostar, odnosno štetnost po konkurentost među poslovnim konkurentima u registrovanoj djelatnosti, kao i zbog postojanja mogućnosti pogrešnog prezentovanja podataka.

Slijedom navedenih činjenica, odlučeno je kao u dispozitivu rješenja.



**Pravna pouka:** Protiv ovog rješenja podnosilac zahtjeva ima pravo podnošenja žalbe direktoru Uprave za indirektno oporezivanje u roku od 15 dana od dana prijema rješenja. Žalba podliježe plaćanju takse u skladu sa Zakonom o administrativnim taksama („Službeni glasnik BiH“, broj: 16/02, 19/02, 43/04, 08/06, 76/06, 76/07, 03/08, 42/08, 03/10 i 98/12). Rješenjem se upućuje podnosilac zahtjeva da ima pravo obraćanja Ombudsmenu za ljudska prava BiH, Akademika Jovana Surutke 13, 78000 Banja Luka.

Dostaviti:

1. CIN, Jelena Jevtić, Gabriele M. Locatelli 11, 71000 Sarajevo
2. Odjeljenju 01/3 2x
3. a/a



**NAČELNIK ODJELJENJA**  
*[Signature]*  
**RATKO KOVAČEVIĆ**